

白龟池记

州治西十里许有池曰白龟昔予贍祖尹分宁命僕牧马于其地见一白龟光润如玉将捕之龟疾走入穴不得仆插策为表忙归告公公至池边见策已吐花公知其异乃祷曰果属奇缘乞花谢花如公言遂葬马鞍郡君刘氏于其内累世显荣亦可知地之钟灵非偶然矣窃思天生品汇人灵而物蠢熟知物中有倍灵于人者何造化之不者测耶然龟固灵而非概灵也盖必历之千岁而后灵其灵亦非概施也则必积德累仁而龟特为之卜地以施报耳不然昔毛宝所市而放者亦白龟非宝之德龟即灵詎能知宝戰北于伺地墮水于何时一一不爽而救之哉是龟固灵宝亦盛德士放能获龟之报今吾祖妣享此佳城非甚德亦安能致白龟之福于哉

双井记

井以待人之汲也所在皆是何足异异其为双井也世有一区而数井一井而数垣未闻有异之者双井奚异乎其为吾黄氏之双井也夫双井之名自宋兴以来垒产名贤遍达于缙绅错知于书史孰不知其异而要未知其所以异也其所以异者何异其在修水之中有二石垣泉源涌出尘埃不能汚沙磧不能蔽朗朗异如两玉环隐露于水中此其所以然也非特他乡人士不及知即生是邑者偶见于吟詠未遑于探索舟子渔人间能探索而不知好无怪乎双井之异之真所以不出也昔苏髯翁闻石钟山之奇初得酈元之说而不信继得李渤之说而益疑必待舣舟绝壁夜央风作巨浪与石罅相吞吐然后得其噌吰之韵窈坎鏜鞳之音而石钟山之真始出古人之不苟于辨物有如此嗟乎双井并列于水中不知几历年世矣至吾黄氏而其名始著则知其地以人传非其人而仍不传独石钟山也欤哉

右双井白龟池二记老谱未载作者之名姑仍錄之

新建惜字炉记

自先君子虔奉

文帝最喜读阴鄢文及感应篇平居训饬子弟亦尝取篇中文义事实口讲指画面命耳提欲其身体而力行之惜字其一端也同治十年辛未扉赞商诸伯叔昆季会起文社各出赀若干以叔子越光绪二十九年癸卯创建今阁以神供像又越十二祀为民国三年选吉秋季中浣辛卯兴建字炉收拾遗叶字纸同人谋垂诸久远爰为序其缘起俾寿诸石冀后之来者咸有所观感焉

时

民国三年岁次甲寅秋九月中浣吉日黄扉赞撰